

ernst ein wolgeschickte ernsthafft volck. In dem so ist diese natio volck
reich vor andern völcern/glaubwirdig/trew/Gotsfortig/vñ so ein
streibar volck/dz sie allein dem weltzämer Julio widerstand haben
gethan/wiewol er doch die Franzosen vñ Gallier betruckte/vñ mehr
malen über Keingrosse ding gethan hat/iedoch hat er diß Schwe-
bisch niemand weichend standhafft volck vngesemet vñnd vnuer-
weltigt müssen lassen.

Augustus Oct. (vnder aller Keysern der landreichest/dem auch die
Indier vñ Parthier geschēcke sendetē/vñ frid mit ergebung von im
kaufftē) ist niendert in einē streit darnider gelegē/dan allein gegē dem
Teutschē. Es ist wunder was je vñ ie vnfügs/beschwert/verdries ic.
die Teutschen den Römern habē zugefügt/vñ ob sie gleich wol ie bei
weylē/überherrscht/als weiß leut dem Römischē glück wichē/so habē
sie doch bald allweg darnach die Römer/Gallier/Hispanier/Britta-
nier/Hungern/bestritten vñnd wider erlegt.

Die Römer habē nach eroberung jres gwalts grosse ding geübt/vñ
noch aber mit an beistand der vnüberwindlichē Teutschē/in Kriegs-
sachē vor allen tauglich/in heimlichē händeln also glaubhafftig/vñd
trew erschienenē/dz sie oft für Kämerer vñ hütter des Keyseris leib/vor
meniglich außerkoren wordē. Es ist auch wissentlich dz Herzog Got-
frid von Lothingē allein mit den Römischē Teutschē/etlich Gallier-
ten/vñ wenig Walhenn/das Hungerschland eröfēt/Griechischland
durchtrungē/Hellespontū/Asiam/durchreyset/Hierusalē auß der vñ
glaubigen gwalt erobert/vñ alles vnderwegen erlegt hat/ob gleich
wol der Türck mit cc. tausent streitbar man/sich widersetzet/vñ alle
völczer je vñ je bekennē habē müssen/dz sie meinē die teutschē (die man
iez Landsknecht neñt) sein teuffel oder aber stähelin/vñd wiewol in
vil völczer nach eifern so mögē sie doch dz zil jrer manlicheit niendert
erreychen/alle Fürsten vñ König auch Türckisch vñ außlendisch ha-
ben die Teutschē gern/vñ meinen die schlacht sei wol halb gewonnen
wo der mehrteil Teutsch in der ordnung streit.

Es ist vor andern ein glaubwirdig/gelübdhaltend/truglich/besten-
dig/nur zuwil freudig manlich volck/iez grofthetig/milt/gebüg/kost-
sey/vñuersch:ockē/arbeitsam/hart/eerenreich/lobgirig/rümsichrig
das in allen ritterlichen dingenn die spiz wil füren/vñnd fornenn
diann sein/sie gebenn auch ietzt keinem land nichts beuor/in allenn
künstenn/zungenn/nexenn fündenn.

Vonn in hat man das